

贈薛氏振歌

麟角獨異鳳毛輕得龍之秀龜之青麟鳳龜龍謂四靈爾曹骨氣同崢嶸

與趙寺丞

汞鉛不在身中取龍虎當於意外求會得這些真造化何愁不曉鍊丹頭

題潘察院竹園壁

夜雨洗開千翡翠春風撼碎萬琅玕滿林鴉鵲卧明月鐵笛一聲煙正寒

墨竹

道藏輯要

白真人集

三

雙集三

虛舟惠我一墨竹紙上森森一枝玉展向庭前與鶴看今宵不許枝頭宿

問子規

綠柳陰中問子規勸人歸是勸春歸人須回首春須暮何不成都西去飛成都作青城

枯松

霜鱗雪爪一枯松恍似湖心見白龍想得呂仙曾點化擎雲攫霧欲騰空

羅浮山上過鐵橋

飛雲頂下見羅浮五色珍禽繞石樓行過鐵橋猿嘯罷稚川丹

竈冷颼颼

招賢道士

解鞍默默對斜暉無限詩懷在翠微
一句秋鴻來入耳兩行客淚下霑衣

秋思

滴盡池荷無柰雨吹翻并葉可憐風
溪毛山骨猶無恙尙有蘆花對蓼紅

徐僊

崇安縣黃連坑

採樵有遇纔三日歸路還家已十年
自古得仙非苦節此坑安得號黃連

道藏輯要

白真人集

三

三

婁集三

憶西湖

銀月窺人夜漏沉斷蒲踈柳忽關心
西風爲報西湖道留取芙蓉共醉吟

祈雨伏虎菴

梵相無言旱氣蒼三農無飯欲蒸沙
後頭香穗成禾穗塵尾天花化雨花

龍虎山祈雨早行有作

兩三條電復無雨六七點星微上雲
鞭起卧龍我騎去揮戈叱問五雷君

漁舍